



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De Vana Obseruantia.

urn:nbn:de:hbz:466:1-41767

Omen, & Chiromantia: his additur Sortilegium per sortes diuinatorias, ad diuinandas scilicet res occultas, quibus maximè uti solent Mahometani: nam sortes diuisoriæ, quibus aliquæ res diuiduntur in plures; non sunt per se illicitæ præcisè: nec sortes consultoriæ, quando subest rationabilis causa, & expectatur à Deo humiliter electio, cum aliter fieri commodè nequeat. Agunt de Diuinatione *Suar. loc. cit. cap. 7. &c. Fillinc. loc. cit. à cap. 3. Azor. tom. 1. lib. 9. à cap. 12. Sarc. in sum. to. 1. l. 2. à cap. 38.*

De Vana Obseruantia.

9 **T**ertia species superstitionis dici solet Vana obseruantia, quæ consistit in hoc: quando scilicet speratur aliquis effectus, alioqui etiam bonus, per media; quæ videntur esse licita, & religiosa; sed tamen non sunt ad illum effectum sufficientia: & sic saltem tacitè immiscetur commercium, & pactum aliquod cum dæmone, & eius cultus: nã dæmon, etiam per res ipsas alioqui sanctas, conatur hominem decipere, & sibi coniungere. Hoc autem his cõmuniter
 I modis

modis contingere solet. Primò cum aliquis per quasdam determinatas orationes, & ieiunia, & similia vult habere scientiam veluti infusam: & hæc dici solet ars notoria, quæ à dæmone tradita est. Secundò cum ad sanitatem obtinendam usurpantur media vana, & inutilia admixta rebus sacris, & orationibus, non approbatis ab Ecclesia. Huc reducitur vana observantia circa Reliquias, Euangelia, Sacram Scripturam, & res Sacramentales: quando illis admiscuntur quædam determinatæ circumstantiæ inutiles, & vanæ: & adhibentur ad effectus, ad quos non sunt à Deo, vel ab Ecclesia ordinata: hoc enim etiam pacto dæmon illudit homines. Huc etiam reducitur vana observantia quorundam euentuum ad prædicendos alios futuros: vt si in nocte S. Ioannis hoc, vel illud contingat: & similia, quæ in re graui, & posita notitia quòd sint res prohibitæ, & inutiles, poterunt esse peccata mortalia: at verò ex ignorantia, aut ex leuitate facta, maxime in rebus leuis momenti à rudibus hominibus; erunt venialia. Agunt de
vana

vana obseruantia Sanchez loc. cit. cap. 40.
 Bonac. tom. 2. disp. 3. q. 5. p. 4. Filliuc. loco
 cit. cap. 6. Tolet. lib. 4. cap. 16.

De Maleficio.

10 **V**Ltima species superstitionis
 ponitur esse Maleficio. sed
 hæc facile reduci potest ad primam,
 nempe ad Magiam: est enim Malefi-
 cium, cum aliquis arte o.m fa-
 cit, vel dicit aliqua ad nocendum alijs.
 Quare quæ diximus de Magia, quantū
 pertinet ad peccatum superstitionis,
 possunt huc transferri: solum enim dif-
 ferre possunt, quia potest esse Magia so-
 lum ad mira quædam facienda, etiamsi
 alijs non noceant: Maleficio verò est
 ad nocendum. Solet etiam dici Venefi-
 cium: vnde habet etiam adnexum pec-
 catum iniustitiæ, sicuti etiam & aliæ su-
 perstitutiones habere possunt, & potest et-
 iam esse ad turpem amorem, qui est ma-
 lum spirituale, & interdum etiam tem-
 porale proximi. Ex quibus omnibus
 constat, has omnes species superstitionis,
 in ratione superstitionis, habere
 malitiam ex vno capite, quæ includunt